



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Festum SS. Trinitatis

[urn:nbn:de:hbz:466:1-52716](#)

norare , & consolari Matrem ? hoc non
sit , misereri fratrum ?

Festum Sanctissimæ , ac Individuæ Trinitatis.

EXHORTATIUNCULA I.

SCit , quanta sint beneficia Creationis , Redemptionis , Sanctificationis , & Vocationis . Et his quid debet ? se totum . Reddat ergo , quod debet toti SS. Trinitati . Solvamus ! hæc dies est gratitudinis nostræ .

Instructio meritoria.

In aliqualem tantæ Bonitatis satisfactionem oremus 12. Pater & Ave cum Te Deum Laudamus . Jungamus & tres actus heroicis abstinentiæ , quibus nostrum probemus amorem SS. Trinitati . Deus ! quod habemus per te , tibi denuò reddimus .

II.

Inquirere de SS. Trinitate , perversa curiositas est : Credere , & tenere , sicut sancta tenet Ecclesia , fides , & securitas est . Videre autem eam , sicuti est , summa , & perfecta felicitas est . Chare !

non

non & nos eò suspiramus? feliciter pertingemus, si comites habeamus fidem, spem, & charitatem ardentissimam. Sorores sunt, stringamus.

Instructio meritoria.

Et ut firmiter has virtutes Theologicas teneamus, pergamus ad Ecclesiam, & in honorem SS. Trinitatis tria Altaria salutemus, ubique recitandō tria *Pater & Ave cum Credo & tribus Gloria Patri &c.* Deus in templis: Quid moramur? vult quæri! vult rogari! mendicati & pauperes sumus: Et mendicare erubescimus?

III.

Ego Deus, & non mutor. O gaudium! multa, & mirabilia operatur in nobis SS. Trinitas; verū manet semper Unus, & indivisus Deus. Cur homo tam citò mutatur & avertitur à bono? & nos imagines simus Sacrae Trinitatis? deploremus inconstantiam.

Instructio meritoria.

Singulis diebus Dominicis speciale incamus pactum cum SSS. Trinitate, & quid-



quidquid vel agendum , vel patiendum occurrerit per septimanam , absolutè consecremus ei omnia. Pacto subjugamus : *quicunque vult salvus esse &c.* ad Nomen SSS. Trinitatis profundè nostra inclinemus capita nobiscum illud ruminantes: *si Deus ego sum, ubi honor meus.*

Festum pretiosi Corporis D. N. Jesu Christi.

EXHORTATIUNCULA I.

Duo à nobis petit Jesus Captivus in Venerabili Sacramento : *amorem & compassionem.* Amorem ; quia in cibum , & potum se nobis obtulit totum; compassionem , quia necdum finis offendarum , ac irreverentiarum , quibus quotidie contristatur in suo Amoris Tabernaculo. Quid igitur agendum, ut & diligamus , & diligendò Dilecto compatiāmur?

Instructio meritoria.

Pro avertendis gravioribus offendis , ac injuriis *Litanias de Sacrosancto hujus Sacramenti Mysterio recitemus in templo.*